




اھڙوئي ، اجتماعي ، فلسفي ، تاريخي ، ادبي مجموعو در
شيد يلك اون بش كونده نشر اولونور

مندرجات :

۱۴۹	مدرسه	« مصاحبه »	محمد امين
۱۴۷	نصير طوسينك (تربيه) تلقيسي	« تربيه وي »	يوسف ضيا
۱۴۶	معيد يلك حضورنده	« شعر »	نصير هازم
۱۴۰	مثل اعلا	« كلامي »	شرف الدين
۱۴۳	ظفر ك سري	« ادبي »	محمد صدقي
۱۴۷	سو كي به ، سودايه دائر قطعه لر	« شعر »	شرف مازم
۱۴۵	شيخ شهاب الدين مقتول سهروردي	« فلسفي »	يوسف ضيا
۱۵۴	آجيلر	« شعر »	قريبه حسين
۱۵۷	تخميس	« غزل »	حسن عالي
۱۵۰	دونه لر	« تاريخي »	زاده برويه
۱۵۴	حي بن يقظان	« فلسفي »	رشيد

عارف و کوتو عادلری آتمق خصوصنه واقف اولور ، اوکا عزم و جهد و بیوکلرک یمیتنه میل ایدرسه تصحیح اخلاق ایده بیلیر . فیلسوف سقراطه سن نیچون دائماً کنجیله اوطوریورسک دییه صوردیقیری زمان شویله جواب ویردی : چونکه تازه و نازک اولان دالار دوغرو لور ، طراوتی کیمش وقاتی قابوق باغلامش اولان اولور دوغرو لملار . ایشته چوچق حقه کی سیاست بودر .

قیزلره کلنجه اولورده بو طرزده ... فقط اولوره لایق و موافق اولانلری استعمال ایتک لازمدر . بوندن باشقه قیزلره ملازمت خانه ، حجاب ، وقار و عفت ، حیا و قادینلره مخصوص اولان بحثده تعداد ایتدی کمز خصال او کره دملی و اولنلری او قویوب یازمقدن منع ایتلیدر . قیزلره قادینلرجه مقبول اولان هنرلری او کرتملی و سن بلوغه واصل اولنجه اقرانی ایله اولندیرملی در .

طوسینک عیناً ترجمه ایدیلن تربیه اولاد بحثی بوراده نهایت بولیور بوندن صوکر طوسی ، ایشته اولاد تربیه سنک کیفیتی بودر . فقط بو بحثی بتیرمش اولمق ایچون برطاقم ادبلر داها واردر ، سوز سویله مک آدابی کبی که اولنلری ده تفصیل ایتک لازمدر دیور . آنجق او بحثلر اولاد تربیه سندن زیاده عمومی و صایا قیلندن اولدینی ایچون طوسینک چوچق تربیه سی حقه کی تلقلیرنی بوراده بر کل حالده کورمش اولمقدن بزی منع ایده جک برما هیته دکدرلر .

یوسف ضیا

مثل اعظم

۳

شیخ الاسلام « ابن تیمیة » نک [بیان موافقه صریح المعقول لصحیح المنقول] نام اثرندن :

و الله المثل الاعلی
« الله تعالی ایچون صفت بلند واردر . »
(سورة النحل)

گچن نسخه ده کی ایکی نومرو لو (مثل اعلا) نامند کی مقاله منک ختامنده (عقل ایله نقل چارپیش جق اولورسه عقل نقله ترجیح اولور .) صورتیله خلاصه ایدیله بیلن

قاعدیه مقابل شیخ الاسلام « ابن تیمیه » نک وضع و ایراد ایتمش اولدینی قاعدیه یی یازمه جغمزی سویلش ایدک .

« ابن تیمیه » نک قاعدیه سنی یازمادن اول بوقاعده نک تولید ایده جکی بعض محذورلره ارجاع نظر ایدلم .

هیچ شبهه یوقدرکه عقلک مختلف اشخاصه کوره وحتی بر شخصک مختلف زمانلرینه کوره مختلف قیمتلری وارد . یعنی بر شخصه نظراً عقلیت قطعیه یی حائر اولان بر ماده دیگر شخصک نظرنده بوقیمتی حائر اولدینی کبی کندیلرینه عقلی مبدأ حرکات اتخاذ ایتمش اولان انسانلرکده ادوار حیاتیه لرنده دایماً عین قناعتی طاشیمدقلری معلومدر .

عقلی قناعتلر، مختلف اشخاصه کوره دیکشن و مختلف اشخاصک مختلف زمانلرینه کوره تبدل ایدن امورنسییه و اضافیه دندر . شو حالده بوقاعده هر زمهریه وحتی هر شخصه و علاوه اوله رق هر شخصک هر زمانه کوره کندی عقللرنجه نقله معارض قالمق حقنی و بریورکه بونک نتیجه بالعموم منقولات شرعیه نک عدم ثبوتی استلزام ایده جکی میدانددر . معلومدرکه کک حق و کک باطل اولسون انسانلرک عقللریله بولدقلری مواد پائینسزدر . خبررسوله عقلک معارض اوله بیله جکی تجویز اولننجه برغایه و بر حد توقیفی اولمیان مواد عقلیه داخلنده یارین ، یارین اولمزه یاریندن صکره نقله معارض ظهور ایده جک بر عقل بولنق احتمالی اولدیغندن هیچ برکیمشه نک هیچ بر خبر رسوله اعتماد ایتماسی ایجاب ایده جکی کبی هر زمهره و هر شخصک دخی قناعت عقلیه لرینه مخالف اولان نقلیاته التفات ایتمیه جککلرندن نقلیاتک هیچ قیمتی قالمامش اولور .

بوقاعده بویه عظیم بر محذور دینی یی تولید ایده جکی ایچوندرکه ملاحظه نک ظهورینه قدر اسلامی زمره لره منسوب اولان هیچ برکیمسه طرفندن [بلکه ده ایچلرندن بوفکره قائل اولان بر قاج کیشی وارا بدیسه ده] بوسوز سویانمیور ایدی .

شبهه سزدرکه بر جوق مسائل عقلیه ده عقلیتک نسبی و اضافی اولسی [*] عقلیتک وحدت

[*] حدوث و قدم عالم مسأله سی کبی که حکمادن بعضیلری حدوثه و بعضیلری قدمنه قائل اولمشلردر . بو خصوصده توقف ایدنلری دخی وارد . « ابن تیمیه » بوراده (جمال الدین بن واصل الحموی) نک اک ممتاز طلبه سندن ذکا ایله معروف بذاتک شوسوزینی نقل ایدیور : « کیجه لری دوشه که آرقه اوستی یاتار و یورغانی یوزیمه اورتر وشو و بو طرفک دلیللرینی یکدیگریله مقایسه ایلم . و نهایت هیچ بر طرفک دلیلنی ترجیح ایده مه دن صباح ایده رم . »

بوزاتک استاذی اولان (جمال الدین) حانک قاضی القضااتی اولان فقهای شافیه دن مشهور

ذاتیہ سنی اخلاص ایتیش و حالبوکه احوال ناسدن متأراولیان سمعیات بالعموم افرادانسانیہ به قارشو هر زمان و مکانده برلکینی محافظه ایتشدر .

بناء علیه ناسی عقلیات نسبیہ به ارجاع غیر قابل ایسه ده وحدت ذاتیہ سنی محافظه ایدن سمعیاته رد و ارجاع قابلدر . بوندنطولا ییدر که قرآن کریمده «اگر برشیده تنازع ایدر سه کر؛ آنی الله ورسوله رد و ارجاع ایلک . سورة النساء» بیورلمشدر . کرچه ریاضیاتده اولدینی کی صراحت عقلیه بی حازر مواد عقلیه ده ارباب عقول آره سنده اختلاف اولدینی و بناء علیه نقه معارض اولان عقل به کی عقلیات قطعیه دن اولدینی تقدیرده عقلک تقدیمی کسب ضرورت ایدر دینیلیرسه ده او زمانده نقه تحویل کلام ایله دیرزکه انبیای کرامک کلاملرنده محالات عقلیه دکل محارات عقلیه واردر . هیچ برکیمسه بخا کرم ورسول اعظم افندمزدن اسناد صحیح ایله قطیعت عقلیه ایله محال عد ایدیه جک هیچ برکلام نقل وروایت ایلامشدر . بو جسدن قرآن کریمده دخی برآیت کریمه یوقدر . قطعی صورتده محالات عقلیه بی استلزام اید جک حدیثلرک کافه سی مکذوب و موضوعدر [۱] احادیث صحیحیه به معارض ظن اولنان معقولاتک منشأی یا لفظ حدیثک مجملیتی و یا خود معنائک تشابه بدر که بیان وایضاح ایله بونلر زائل و آره ده تعارض اولدینی ظاهر اولور .

علمادن بعضیلرینک شوسوزلرینه مسأله نك برجهتله حلی نظریله باقیله بیلیر : «عقلیتدن بزه یالکیز صدق رسولی اذعان تأمین ایدن مقداری کافیدر صدق رسولی اذعان ایتد کدنصکره کلمات نبویه نك حقیقی آزاده اشتباهدر . بزى عتبه نبوته ایصالدن صکره عقلک وظیفه سی تمام اولمش اولور . نته کیم عوام ناسدن بری مفتینک شخصی بیلوب بر مستفتی بی مفتی به دلالت ایتد کدنصکره بو دلالت ایدن عامی ایله مفتی آره سنده اختلاف ظهور ایتسه مستفتی دلالت ایدن شخصک قولنی دکل مفتینک قولنی ترجیح و تقدیم ایدر .

(ابن واصل الحموی) درکه (۶۹۷) شوانک یکریمی سکزنده وفات ایتشدر . منطق و هندسه و هیئت و تاریخده عصرینک فریدی ایدی . (مفرج الکروب فی اخبار بنی ایوب) نامنده کی تاریخی مشهوردر . (مصر) حکمدارلرندن (ملک ظاهر بیبرس) طرفندن سفارتله (شارلمان) نزدینه کیتدیکی زمان بوایمپراطور نامنه منطقدن (الانبروزیه - الایمپراطوریه) نامنده بر اثر تحریر ایلشدر . [۱] موضوعمن اولان قاعده نك یعنی [عقل ایله نقل چارپیشه حق اولورسه عقل ترجیح اولنور] دینلرک اک ممتاز سیاسی اولا (ابو حامد الغزالی) نك علم حدیثده یا یانلغنی اعتراف ایتیش اولدینی بوراده خاصه ذکره شایان بولورز . (ابوبکر بن العربی) غزالینک بو اعترافنی بزه حکایه ایدیور و (انانرجی البضاعه فی الحدیث) دیدیکی سویلیور .

حاجی هر نه قدر مستقی به « او ذاتک مفتی اولدیغنی بیلمک خصوصنده سکا دلالت ایدن نیم. اکر سن آنک قولنی بنم قولمه ترجیح ایدرسهک اصل علمکه قدح ایتمش اولورسک. »
 دییه جک اولسه ده مستقی بوکا اصلا التفات ایتمز. ایشته عقلک ده نقله تمارضی بوقیلدن اولوب نقلی تقدیمدن نقلک اصلی جرح ایتمش اولمق لازم کلز. معلومدرکه عقل ایله نقلک تعارضنی قبول ؛ عقله نقلی مقابل طوتمقدن نشأت ایدیور. حالوکه دلیلی عقل ونقله انحصار ایتدیردک نقلیاتی عقلیتدن اساساً تجرید ایتمک طوغرو دکادر. چونکه نقلی اولان ادله ده دخی عقلیت واردر. بنابرین دلیلی بدایه شرعی اوله رق قبول ایله بونلرک ایچندن شرعک اثباتیله برابر عقلاده معلوم اولانلرینه (دلیل شرعی عقلی) وشرعک اثباتندن صکره عقلاً بیلنلرینه (دلیل شرعی سمعی) دنیلیمک لازمدر. شو حالده عقل ایله سمع آره سنده بر اختلاف اولدیغنی تماماً ظاهر اولمش اولور. اکر ((شرعی) به مقابل مطلقاً برکله بولمق لازم ایسه عقلی دکل (بدعی) دیمک لارمدر. چونکه (شرعت) ه مقابل (بدعت) واردر.

صحن مدرسه سی مدرسلرندن
 محمد شرف الدین

ادبی

ظفرک سری

اونودیش کونلر...

صوملش ظن ایدیلن چیچکلر آچدقدن و محال کورینن خیال تحقق ایتدکن صوکره کیتدیلر... داستانی خارقه لره ظفرک اک بویوک شرفی طاشینیان تورکک مهیب سونکوسی اوننده طایی براقوب، طاراغی طوبلامادن کیتدیلر...
 اوکلش و بوکیدش آراسنده کی عذاب واضطرابک آجیلرینی اونومه مقایجون کیتدکلرینی آماشا ایدنلرک آراسنه قایلدم... ۱۳ تشرین ثانی ۳۳۴ ده مقرر اوله رق کلن بو دعوتسز و مزعج مسافرلرک ۲ تشرین اول ۱۳۳۹ ده کیتدکلرینی سیر ایدنلر، اوخ قورتولدق...
 دییوردیلر...
 بو کونکی کیدنلر؛ آنادولیده دونکی قاچان « مغرورانه رجعت » قهرمانلرینک